


兩漢書疏證



兩漢書疏證



後漢書疏證卷二十五

吳 沈欽韓撰

隴西郡

晉志惟襄武首陽臨洮狄道四縣

惠帝分隴西之狄道臨洮河關又立洮陽

武街遂平始興第五真仇六縣合九縣置狄道郡張駿又以狄道縣立武始郡地形志晉分隴西置武始郡隋志云後魏置者誤

狄道

舊唐志臨州狄道縣漢縣

寰宇記晉惠帝以狄道無所別據按臨州唐未廢狄道還

屬蘭州九域志熙寧

五年復置熙州縣屬水經注洮水又北逕狄道故城西

闕駟曰今日武始按符登爲狄道長則狄道未嘗改名

又北隴水注之水出烏鼠

山西北高城嶺西逕墉坻其山岸崩落者聲聞數百里

楊雄稱響若坻隕是也又西北厯白石山下隋志狄道縣有白石

山又西北逕武街城南昔馬援爲隴西太守六年爲狄

道開渠引水種秔稻而郡中樂業卽此水也蜀志姜維

傳出隴西守狄道狄道長李簡舉城降十八年復與車

騎將軍夏侯霸等俱出狄道大破魏雍州刺史王經于

洮西經歿死者數萬人經退保狄道城維圍之陳泰傳

數萬人至枹罕趣狄道泰敕經進屯狄道須軍到乃規

取之泰進軍陳倉經輒渡洮泰以經不堅拒狄道必有

他變並遣五營在前泰率諸軍繼之經已與維戰大敗
維乘勝圍狄道泰晨夜進前鄧艾胡奮王秘亦到進至
隴艾等以爲王經精卒破勦賊眾大盛不如割險自保
然後進救泰曰姜維提輕兵深入正欲與我爭一戰之

利王經當深壘高壁挫其銳氣今乃與戰使賊得計若
維以戰克之威進兵東向據櫟陽積穀放兵收降招納
羌胡東爭關隴傳檄四郡此我之所惡也而維以乘勝
之兵挫峻城之下攻守勢殊糧穀不繼是我速進破賊
之時也寇不可縱圍不可久君等何言如是遂進軍度
高城嶺潛行夜至狄道東至高山上多舉烽火鳴鼓角
狄道城中將士見救至皆憤踊維始謂官救兵當
須眾積卒聞已至乃緣山突至泰與交戰維退還晉書
石虎記王擢剋武街執張重華護軍曹權胡宣張駿傳
韓璞攻討秦州諸郡劉曜遣劉胤來距屯于狄道城
安固

寰宇記安故城在蘭州五泉縣西南

按晉志張茂分武興金城西平安故

爲定州通鑑建武元年張寶擊漢命安故太守賈騫等
爲前驅是安故爲郡也州郡志有安固郡不注置立

水經注洮水東北逕桑城東又北會藍川水

地形志洪和郡有藍

川洮水又北逕外羗城西又北逕和博城東城在山內

左合和博川水洮水北逕安故縣故城西十三州志曰

縣在郡南四十七里魏志郭淮傳八年諸羗餓何燒戈

伐同蛾遮塞等相結叛亂南招蜀兵涼州名胡洽無戴

復叛應之討蜀護軍夏侯霸督諸軍屯為翅淮軍始到

狄道議者僉謂宜先討定抱罕淮策維必來攻霸遂入

淝中按水經注洮水東北逕索西城又屈而北逕龍桑

城又西北逕步和亭北出門峽葦川水出桑嵐西

溪東流歷桑嵐川又東逕葦川北東入洮水地形志有

葦川縣屬洪和郡意郭淮傳之淝中即嵐川而為翅城
又在其南然無所
證姑附識于此
轉南迎霸維果攻為翅淮軍適至維
遁退嘉平元年與雍州刺史陳泰協策降蜀牙門將句

安等于翅上

陳泰傳姜維率眾依魏山築二城使牙門將句安李歆守之聚羗胡質任寇偏諸郡

征西將軍郭淮與泰謀之泰曰魏城雖固去蜀險遠當須運糧羗夷患維勢勞役未必肯附今圍而取之可不

血刃以拔其城雖其有救山道險阻非行兵之地也淮

從泰計使率討屬護軍徐質南安太守鄧艾等進兵圍

之斷其運道及城外流水安等挑戰不許將士困窘分

糧聚會以稽日月維果來救淮趣牛頭絕其歸路維懼

遁走安等

孤懸遂降晉書劉曜記黃石屠谷路松多起兵于新平

扶風附于南陽王保保以其將楊曼王連據陳倉張顗

周庸據陰密松多下草壁秦隴氏羗多歸之曜發雍攻

陳倉草壁皆陷之進陷安定保懼遷于桑城

保傳陳安稱藩于劉

曜保將張春復

陳安叛曜自稱涼王休屠王石武以桑

城降曜大悅

氏道

按其地當在唐秦州上邽縣西通典嶓冢山西漢水所
出今經嘉陵曰嘉陵江經閬中曰閬中江元和志嶓冢
山在上邽縣西南五十八里水經注西漢水西流與馬
池水合水出上邽西南六十餘里開山圖曰隴西神馬
山有淵池龍馬所生卽是水也通鑑義熙十三年西秦
王熾盤使秦州刺史王松壽鎮馬頭以逼秦之上邽

首陽

通典渭州渭源縣漢首陽縣

元和志鳥鼠山今名青雀山在渭源縣西七十六里

舊唐志後魏分隴西置魏渭源郡又改首陽縣爲渭源縣

水經注渭水出首陽山渭

首亭南谷縣有高城嶺嶺上有城號渭源城渭水出焉

東北流逕首陽縣西與別源合

高城嶺卽陳泰所度救狄道處

大夏

通典河州大夏縣漢舊縣

元和志張駿置大夏郡按晉志張駿以興晉金城武始南

武永晉大夏武成漢中爲河州地形志大夏縣有金柳城

水經注洮水右合二水左

會大夏川水水出西山逕金紐城南城去縣四十里本

都尉治又東北逕大夏縣故城南東北出山注于洮水

晉書劉曜記張駿遣金城太守張閬及抱罕護軍辛晏

將軍韓璞等率眾數萬自大夏攻掠秦州諸郡曜遣劉

亂率步騎四萬擊之夾洮相持七十餘日冠軍呼延那

鷄率親御郎二千騎絕其運路亂濟師逼之璞軍大潰

奔還涼州

張駿傳咸和初韓璞進度沃干嶺辛巖曰我握眾該萬藉氏羌之銳宜速戰以滅之不可

以久久則變生璞曰自夏末以來太白犯月辰星逆行白虹貫日皆變之大者不可以輕動動而不捷為禍更

深且曜與石勒相攻亂亦不能久也積七十日軍糧竭遣辛巖督運于金城亂聞之大悅謂其將士曰韓璞之

眾十倍于吾羌胡皆叛不為之用吾糧廩將懸難以持久今虜分兵運糧可謂天授吾也若敗辛巖璞等自潰

彼眾我寡宜以死戰眾咸奮于是率騎三千襲巖于沃干嶺敗之璞軍潰者二萬餘人胡三省曰沃干嶺在大

夏縣東南按陳泰傳涼州軍從金城南至沃干改阪亦此張重華傳麻秋進陷大夏

護軍梁式執太守宋晏以城應秋秋遣晏以書誘宛戍

都尉宋矩矩自刎而死謝艾大敗麻秋斬秋將杜勲汲

漁俘斬一萬三千餘秋匹馬奔大夏

襄武

通典渭州襄武縣漢舊縣

志作五雞誤寰宇記五谿聚及楊盛分羌爲部以五谿每

谿爲一聚于是有五谿之名今按盛分部在彪志之後不緣楊盛得名可知

水經注渭水東

南逕襄武縣東北荆頭川水入焉水出鳥鼠山荆谷漢

護羌校尉溫序行部爲隗囂將苟宇所拘銜鬚自割處

又東泉水注之蜀志姜維傳進圍襄武與魏將徐質交

鋒斬首破敵魏軍敗退晉書乞伏國仁記率騎三萬襲

鮮卑大人密貴裕苟提倫等三部于六泉

元和志六泉山在縣東北

原上泉

源有六又魏書乾歸傳田于五谿梟集其手尋爲兄子

公府所殺

水經注馬防以建初二年從安故五谿出龍桑又蓋延傳擊狄道安故五谿反羌大破之

如酈注所稱則五谿皆係安故又按西羌傳安帝永初四年徙金城郡居襄武五年移隴西徙襄武避寇難也

臨洮

舊唐志岷州溢樂縣秦臨洮縣今州西二十里長城蒙

恬所築後魏置岷州仍改臨洮為溢樂隋復改臨洮

隋志

臨洮西魏

義寧二年改

又洮州臨潭縣秦漢時羌地吐

置曰溢樂之為美相縣貞觀四年洮州理于此置臨潭縣天寶中廢美相併入水經注沙州記曰洮

水與墊江水俱出嶺臺山山南即墊江源山東則洮水

源

北史吐谷渾傳阿豺昇西強山觀墊江源問于羣寮

曰此水東流更有何名由何郡國入何水也其長史曾和曰此水經仇池過晉壽出宕渠始號墊江至巴郡

入江度廣陵入于海阿豺曰水尚知歸吾雖塞表小國

而獨無所歸乎遣使通宋獻方物洮水東北流逕吐谷渾中又東北流

逕洮陽曾城北建初二年羌攻南部都尉于臨洮上遣

行車騎將軍馬防與長水校尉耿恭救之諸羌退聚洮

陽卽此城洮水又東逕洪和山南

舊唐志貞觀五年移洮州治洪和城後復

移還洮陽城隋志後周置洪和郡常夷縣

城在四山中又東逕迷和城北羌

名也

按西羌傳作迷吾

洮水又東逕臨洮縣故城北屈逕索西

城西

通典索西故城在岷州和政縣東

建初二年馬防耿恭從五溪祥

蓋谷出索西與羌戰破之築索西城俗名赤水城亦曰

臨洮東城

地形志臨洮郡有赤水縣按西洮後周所置洮州也東洮西魏所置岷州

沙州記

曰從東洮至西洮百二十里魏志郭淮傳正始元年蜀

將姜維出隴西淮遂進軍追至疆中九年姜維出石營

從強川西迎治無戴淮遣夏侯霸等追維于沓中姜維

傳維率眾出漢侯和苻堅載記王猛拔李儼于枹罕使

枹罕界為鄧艾所破還住沓中華陽國志維惡黃皓擅恣

詣維陳謝維說皓求沓中種麥以避內逼沓中蓋在臨洮之西南鄧艾傳嘉平元年與

征西將軍郭淮拒蜀姜維維退淮因西擊羗留艾屯白

水北三日維遣廖化自白水南向艾結營艾謂諸將曰

維今卒還吾軍人少法當來渡而不作橋此維使化持

吾令不得還維必自東襲取洮城在水北去艾屯六十

里艾即夜潛軍徑到維果來渡而艾先取據城得以不

敗水經注白水出臨洮縣西南西傾山東南流與黑水合又東南逕鄧至城南北史鄧至者白水羗也因地

名號自稱鄧至或因
鄧艾所至而名歟晉書呂光載記張大豫自西郡詣

臨洮驅畧五千餘戶保據俱城光將彭晃徐晃攻破之

大豫奔廣武乞伏記熾磐攻湟川師次沓中沮渠蒙遜

率眾攻石泉以救之
水經注闕駟曰強水出陰平西北

之地所說似皆在洮水白熾磐聞而引還又遣其左衛
不得僅目爲陰平西北

匹達等討彭利和于強川大破之利和單騎奔仇池通

鑑義熙十一年熾磐遣曇達等擊南羌彌姐康薄于赤

水降之以王孟保爲略陽太守鎮赤水元嘉四年氏王

楊玄遣將軍符白作圍秦梁州刺史出連輔政于赤水

城中糧盡民執輔政以降政至駱谷
駱當爲洛此武都之洛谷逃還

秦以吳漢爲平西將軍鎮南澗

枹罕

元和志河州枹罕縣本漢舊縣

小積石山在縣西北七十里

舊唐志

廓州米川縣漢枹罕縣地貞觀五年置縣水經注廣大

阪在枹罕西北昔慕容吐谷渾自燕歷陰山西馳而創

居于此灘水又東逕枹罕縣故城南十三州志曰枹罕

縣在郡西二百十里灘水在城南門前東過灘水又東

北出峽北流注于河河水又逕左南城南十三州志曰

石城西一百四十里有左南城津亦取名

晉志張軌置晉興郡有左

南縣大河又東逕赤岸北卽河夾岸也秦州記曰枹罕有

河夾岸岸廣四十丈義熙中乞佛于此河上作飛橋橋
高五十丈三年乃就通鑑太寧二年涼州將辛晏據枹
罕不服張駿將討之從事劉慶諫曰辛晏凶狂安忍其
亡可必奈何以飢年大舉盛寒攻城乎駿乃止三年辛
晏以枹罕降駿復收河南之地晉書張重華傳麻秋進
攻枹罕晉昌太守郎坦以城大難守宜弃外城武成太
守張峻曰晉志張駿分武成等郡爲河州弃外城則動眾心寧戎校尉
張璩從之固守大城秋率眾八萬圍塹數重雲梯電車
地突百道皆通于內城中亦應之殺傷秋眾已數萬季
龍復遣其將劉渾率步騎二萬會之郎坦恨言之不從